

## **IV – ČLANSTVO UDRUŽENJA**

### **Član 11.**

Članicom/om Udruženja može postati lice koje je dobitnica/k „Zlatne značke Univerziteta u Sarajevu“, nakon što izrazi želju za pristup Udruženju, ako prihvati Statut i ciljeve i djelatnosti Udruženja, ispunjavanjem formulara, prilaganjem dokaza o primljenom priznanju i vlastoručnim potpisom.

Članstvo u Udruženju je dobrovoljno i članovi su ravnopravni.

### **Član 12.**

O prijemu u članstvo odlučuje Upravni odbor Udruženja (u daljem tekstu: Upravni odbor), a na osnovu pravilnika kojeg donese Skupština.

### **Član 13.**

Za stupanje u članstvo Udruženja podnosi se pristupnica na propisanom obrascu, Upravnom odboru Udruženja.

Primljeni član se upisuje u evidenciju članstva i izdaje mu se članska karta.

Članska karta ima značaj isprave kojom se dokazuje svojstvo člana Udruženja.

Oblik i sadržaj članske karte i evidencije članstva utvrđuje se odlukom Skupštine.

Udruženje će voditi spisak svojih članova.

### **Član 14.**

Član Udruženja obavezan je plaćati propisanu članarinu na osnovu odluke Skupštine.

### **Član 15.**

Kategorije članstva su: aktivno članstvo; pasivno članstvo i počasno članstvo.

Aktivno članstvo čine lica koja su redovno prisutna na sastancima Udruženja i aktivno uključena u djelatnosti koje se preduzimaju radi ostvarenja ciljeva Udruženja.

Pasivno članstvo čine lica koja ne učestvuju aktivno u djelatnostima Udruženja. Pasivnom/im član/icom može postati i aktivna/i član/ica Udruženja ako nije učestvovala/o u posljednjih 10 (deset) aktivnosti Udruženja, a svoje neučešće nije opravdala/o.

Počasno članstvo su fizička ili pravna lica koja imaju izuzetne zasluge u ostvarivanju ciljeva Udruženja akademskom, ekonomskom ili sličnom podrškom Udruženju. Počasno članstvo ima savjetodavnu ulogu u Udruženju i nema pravo glasa. Predsjednica/k Udruženja predlaže počasnu/og članicu/a Udruženja, o čemu odluku donosi Skupština Udruženja.

## **Prestanak članstva**

### **Član 16.**

Članstvo u Udruženju prestaje:

- a) dobrovoljnim istupanjem iz Udruženja;
- b) prestankom plaćanja članarine propisane odlukom Skupštine;
- c) isključenjem;
- d) smrću člana
- e) prestankom rada Udruženja.

### **Član 17.**

Svaki član Udruženja može istupiti iz Udruženja na osnovu pismene izjave o istupanju koju dostavlja Upravnom odboru, nakon čega se vrši evidentiranje istupanja.

Kao dan prestanka članstva u Udruženju smatra se datum prijema izjave o istupanju Upravnom odboru.

### **Član 18.**

Član Udruženja koji grubo krši Statut Udruženja, ne izvršava svoje obaveze prema Udruženju ili svojim postupcima nanosi štetu Udruženju ili narušava ugled Udruženja može biti isključen iz Udruženja.

Odluku o isključenju donosi Upravni odbor.

Protiv odluke Upravnog odbora o isključenju, isključeni član ima pravo žalbe Skupštini u roku od 15 dana od dana prijema odluke.

Odluka Skupštine je konačna.

Isključenje iz Udruženja povlači sa sobom i opoziv tog člana u organima upravljanja, odnosno opoziv kao predstavnika Udruženja.

## V - PRAVA, DUŽNOSTI I ODGOVORNOSTI ČLANOVA UDRUŽENJA

### Član 19.

Prava članova Udruženja su:

- da biraju organe Udruženja i budu birani u organe Udruženja;
- da daju primjedbe, prijedloge i sugestije za rad Udruženja;
- da aktivno učestvuju u radu Udruženja, da prisustvuje svim sastancima i konferencijama;
- da prate rad Udruženja i pokreću inicijative za rješavanje pitanja od interesa za Udruženje;
- da koriste usluge Udruženja;
- da budu redovno informisani o radu i rezultatima rada Udruženja;
- da u zaštiti svojih ljudskih prava i sloboda koriste pomoć Udruženja.

### Član 20.

Obaveze članova su:

- da redovno i blagovremeno uplaćuju članarinu u visini koju odlukom odredi Skupština;
- da aktivno učestvuju u radu Udruženja;
- da izvršavaju savjesno i temeljito i blagovremeno povjerene zadatke i zaduženja;
- da propagiraju djelatnost Udruženja, a posebno značaj njenih programskih ciljeva;
- da redovno izvršavaju preuzete obaveze prema Udruženju i provode odluke, stavove i zaključke organa upravljanja Udruženjem
- da čuvaju ugled i interese Udruženja u cjelini.

### Član 21.

Oblici odgovornosti članica/članova su:

- a) javna kritika za neizvršavanje dužnosti kojima nije narušen ugled Udruženja ili nije nastala znatna materijalna šteta;
- b) opomena pred isključenje za višekratno neizvršavanje dužnosti i obaveza;
- c) isključenje iz Udruženja u slučaju da član teže povrijedi odredbe Statuta, ugrozi Udruženje ili nanese veću materijanu štetu.

Pravilnik o disciplinskoj odgovornosti donosi Upravni odbor Udruženja.